

BOSNIA AND HERZEGOVINA  
FEDERATION OF BOSNIA AND HERZEGOVINA  
FBiH MINISTRY OF DEVELOPMENT,  
ENTREPRENEURSHIP AND CRAFTS

Broj: 08-11-1-1817-2/24  
Mostar, 18.10.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14 59/22 i 50/24) i preporuke Komisije za javne nabavke u 2024. godini, obrazovane Rješenjem broj: 08-11-156/24 od 18.03.2024. godine, date u Zapisniku o pregledu i ocjeni ponuda u postupku Konkurentskog zahtjeva za dostavu ponuda u predmetu javne nabavke kancelarijskog materijala i sitnog inventara od 15.10.2024. godine, Federalni ministar razvoja, poduzetništva i obrta, donosi

**O D L U K U**  
o izboru najpovoljnijeg ponuđača

**I**

Prihvata se preporuka Komisije za javnu nabavku da se u cilju odabira najpovoljnijeg ponuđača po provedenom Konkurentskom zahtjevu za dostavu ponuda - nabavka kancelarijskog materijala i sitnog inventara kao najpovoljniji ponuđač izabere „**ANTONIO COMMERCE**“ d.o.o. Mostar sa sjedištem u Mostaru, Blajburških žrtava bb, sa svojom Ponudom broj 1814-26/2024 od 03.10.2024. godine čija ukupna ponuđena cijena iznosi **11.430,00 KM** bez uračunatog PDV-a.

**II**

Ova odluka stupa na snagu danom donošenja i objavit će se na web stranici Federalnog ministarstva razvoja, poduzetništva i obrta istovremeno sa upućivanjem obavijesti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

**III**

Za izvršenje ove odluke zadužuje se Sektor za ekonomsko-finansijske, pravne i opće poslove.

**O b r a z l o ž e n j e**

Provodeći Odluku o pokretanju postupka javne nabavke kancelarijskog materijala i sitnog inventara, broj: 08-11-1-1817/24 od 25.09.2024. godine, Komisija za javne nabavke u 2024. godini, imenovana Rješenjem broj: 08-11-156/24 od 18.03.2024. godine (u daljnjem tekstu: Komisija), dana 01.10.2024. godine objavila je na Portalu javnih nabavki Obavještenje o nabavci, broj :572-7-1-18-3-12/24, kao i Tendersku dokumentaciju broj 01-11-1-1817-1/24 od 01.10.2024. godine.

Predmetna javna nabavka provedena je sukladno odredbama Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), po pravilima Poglavlja V. Odjeljak A. Dodijele ugovora male vrijednosti i to kroz postupak Konkurentskog zahtjeva za dostavu ponuda, uz provođenja E-aukcije, a evidentirana je u Planu nabave pod rednim brojem 1/24 - robe, CPV kod:30192000-1.

Po Obavještenju o nabavci, do 08.10.2024. godine, do kada je bio rok za preuzimanje tenderske dokumentacije, prema Izvještaju o preuzimanju tenderske dokumentacije od strane ponuđača, preuzetog i kreiranog sa Portala javnih nabavki BiH dana 09.10.2024.

BOSNIA AND HERZEGOVINA  
FEDERATION OF BOSNIA AND HERZEGOVINA  
FBiH MINISTRY OF DEVELOPMENT,  
ENTREPRENEURSHIP AND CRAFTS

godine, predmetnu tendersku dokumentaciju preuzelo je ukupno 14 ponuđača. U utvrđenom roku do 15.10.2024. godine do 10,00 sati, pristigle su tri ponude i to od ponuđača: „INTER-COM“ d.o.o. Zenica, „ANTONIO COMMERCE“ d.o.o. Mostar i EUROLL d.o.o. Čitluk.

Istog dana, sa početkom u 10:15 sati, izvršeno je javno otvaranje ponuda o čemu je sačinjen Zapisnik sa otvaranja ponuda koji je blagovremeno dostavljen ponuđačima koji su dostavili ponude. Komisija je isti dan započela sa pregledom i ocjenom dostavljenih ponuda i utvrdila da su sve tri pristigle ponude prihvatljive za ugovorni organ.

S obzirom da je pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu s odredbama Pravilnika o uslovima i načinu korištenja e-aukcije („Službeni glasnik BiH“ br. 80/23) dana 15.10.2024. godine zakazala e-aukciju prema kriteriju najniže cijene. Aukcija je zakazana za dan 17.10. 2024. godine sa početkom u 14:00 sati. Nakon održane e-aukcije, prema Izvještaju o toku i završetku e-aukcije, prvorangirani ponuđač na konačnoj rang listi je „ANTONIO COMMERCE“ d.o.o. Mostar sa konačnom cijenom 11.430,00 KM, drugorangirani ponuđač je EUROLL d.o.o. Čitluk sa konačnom cijenom ponude od 11.462,50, a trećerangirani ponuđač je „INTER-COM“ d.o.o. Zenica sa konačnom cijenom 18.012,40 KM. Na osnovu Konačne rang liste ponuditelja nakon okončane e-aukcije, komisija je dala preporuku ovlaštenoj osobi ugovornog organa da se ugovor dodijeli prvorangiranom ponuđaču „ANTONIO COMMERCE“ d.o.o. Mostar.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz Tenderske dokumentacije. U postupku ocjene provedenog postupka, ovlaštena osoba ugovornog organa nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

**Pouka o pravnom lijeku:**

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana zaprimanja ove odluke. Žalba se podnosi u najmanje tri primjerka.



**Dostaviti:**

1. Ponuđačima
2. Web stranica ministarstva
3. Sektor za ekonomsko-finansijske, pravne i opće poslove
4. Dosije Komisije
5. a/a

